

Cumpriuse o guiión: asinaron un acordo retributivo que hipoteca o profesorado galego até 2021

Unha negociación fraudulenta desde o principio remata cun pacto por detrás en pleno verán sen posibilidade de consultar ao profesorado

A Consellaría e os socios sindicais habituais veñen de asinar o peor acordo retributivo dos últimos anos, con condicións aínda peores que o acordo de 100€ asinado no 2003 e moi lonxe do acordo de 2006, cun incremento de 150€ e que contara co aval da CIG-Ensino. O acordo revístese da indecencia que supón facelo en pleno verán e sen ningunha nova convocatoria de Mesa Sectorial, de costas ao profesorado e á súa representación maioritaria.

O fondo e as formas. Todo é importante.

As raquíticas contías e os prazos insultantes foron motivo suficiente para que a CIG-Ensino denunciara desde un primeiro momento a farsa da negociación, cuns sindicatos entregados sen rubor á Consellaría. O feito de que se boicoteara, tanto por parte da Xunta como dos seus socios na negociación, toda posibilidade

PRAZOS	CONTÍA
OUTUBRO 2018	€15
XANEIRO 2019	€20
XANEIRO 2020	€25
XANEIRO 2021	€30

As contías son brutas. A suba final quedase en **90€** en xaneiro de **2021**

de abrir un debate para mellorar as nosas condicións de traballo, como demandaron case 12.000 docentes en apoio á campaña de recuperación de dereitos, foi sen dúbida o primeiro favor que pagaron quen agora estamparon a súa sinatura no acordo, negándose rotundamente a ampliar a negociación máis alá dos aspectos estritamente retributivos e condicionando o debate sobre a homologación cuns criterios inasumíbeis. Igual que fixeron ao se negar (por segunda vez os mesmos sindicatos) a introducir na

A Xunta non achegará nin 1€ adicional no 2018 para afrontar o pago do acordo docente: aforrará 60€ dos fondos adicionais.

negociación a devolución das pagas extras recortadas de 2013 a 2016, o “feito diferencial” do goberno Feijóo que supuxo un dos principais motivos da nosa perda salarial ao respecto doutros docentes do Estado.

En pleno mes de xullo consúmanse unhas negociacións ás agachadas e sen posibilidade de consultar o profesorado, que está fóra dos centros de traballo. O pacto supón que até 2021 non se cobrará a suba de 90 euros coa que supostamente se equipara actualmente o noso salario co do resto do Estado.

Mais o certo é que o final fai honra a todo o proceso. En pleno mes de xullo, rodeados dunha negociación ás escuras e co profesorado fóra dos centros de traballo, consumouse o previsto: pactouse que dentro de DOUS ANOS E MEDIO, en xaneiro de 2021, o profesorado galego percibirá 90€ brutos para, supostamente, homologar as nosas retribucións coas que AGORA ten o resto do persoal docente do Estado.

Hipotecan calquera mellora até 2021 e pretenden condicionar calquera negociación de futuro

Máis alá das cifras e dos prazos, a letra pequena do acordo é, se cabe, máis preocupante. O que se acaba de facer é darlle carta branca á Consellaría para que non negocie ningún tipo de mellora até 2021. Ao tempo, danse por bos os criterios tramposos desta negociación e indícanse que serán os

que se empreguen nun futuro. Desbotan, por exemplo, que nalgún momento se poidan ter en conta, como demandou a CIG-Ensino, as contías globais que cada docente cobra, como mínimo, en cada Comunidade Autónoma desde o primeiro día de traballo, un criterio que tiraba pola borda os cálculos á baixa dos sindicatos estatais e da Consellaría. Por suposto, os mesmos asinantes póñense como salvagarda de que nada se mova, constituíndo unha nova “comisión de seguimento”. Un novo paripé da vella escola do entreguismo.

Acaban de asumir, por tanto, unha hipoteca: a de renunciar a calquera suba que realmente sexa digna e consecuente cos tremendos recortes sufridos polo profesorado galego desde 2009.

Un negocio redondo para a Xunta: négase calquera acumulación doutros posíbeis acordos

Por vez primeira nun acordo a nivel galego, recóllese que este pacto inclúe os fondos derivados do acordo retributivo de Madrid, pendentes de trasladar aínda ao persoal da Xunta. Falamos dun 0,3% da masa salarial que vai permitir que no ano 2018 a Xunta non poña nin un euro adicional para afrontar este

O uso dos fondos derivados do acordo de Madrid ocultouse por parte da Consellaría até o final da negociación, o que lle permitirá que ao longo de este ano mesmo vai aferrar cartos á hora de sufragar este acordo

acordo docente. É máis, vai aforrar 60€. No ano 2019, só terá que achegar 158€ para facer fronte ao incremento de 280€ anuais pactados. O uso destes fondos para pagar parte do acordo docente ocultouse por parte da Consellaría até o final da negociación e só recibiu a denuncia da CIG-Ensino. Un negocio redondo para a Xunta, unha nova estafa ao profesorado.

Desprézase a vontade do profesorado

O profesorado quere mellorar as condicións de traballo. Quere recuperar o horario lectivo que tiña no ano 2009, coa chegada de Feijóo á Xunta. Nun momento no que a nova ministra parece querer abrir a porta a recuperar, polo menos, as 18 horas en secundaria, en Galiza, Xunta e sindicatos asinantes deciden que non toca tomar a iniciativa. Como tamén se negaron a falar de rateos, de burocracia, de estabilidade, de atención á diversidade, de non pagar por enfermarse... Semella que todos estes temas eran secundarios e molestaban.

Sen consulta nin información ao profesorado

O profesorado volverá ás aulas en setembro e verá como, sen información nin contraste, unha minoría sindical vendeu a negociación retributiva con criterios, contías e prazos insultantes. Preferiron unha baixa temeraria que afrontar un conflito aberto para forzar á Xunta a ir máis alá, tanto no retributivo como nas condicións de traballo, co comezo de curso. Evidénciase unha vez máis os diferentes modelos sindicais que representa a CIG-Ensino e aqueles que optan pola submisión a quen executou os maiores recortes ao profesorado e agora non asume a restitución dos nosos dereitos.

Unha farsa que deixa tirado ao profesorado galego

Nos criterios para fixar cal era o desfase entre o profesorado galego e o do resto do Estado non se tiveron en conta as retribucións mínimas que se cobran nalgún territorios do Estado, nin o feito de que outros levan moitos



anos cunhas diferenzas enormes ao respecto nosa. Tampouco se tivo presente que case todas as CC.AA abrirán negociacións, con total seguridade, para incrementar as retribucións do seu profesorado nos próximos meses, coas eleccións autonómicas ás portas. Un panorama que explica claramente as presións da Xunta por pechar en falso un acordo que non lle implicara un alto custe e que fai aínda máis incomprensíbel e indecente o apoio dado polos sindicatos asinantes.



Diferenzas retributivas mensuais (14 pagas). Docentes sen antigüidade. Media ponderada PES e Mestres.

Comunidade	xullo 2018	xaneiro 2021
MELILLA	622 €	532 €
CEUTA	622 €	532 €
PAIS VASCO	375 €	285 €
NAVARRA	306 €	216 €
BALEARES	197 €	107 €
CANTABRIA	156 €	66 €
CASTELA A MANCHA	124 €	34 €

Cálculo feito sobre unha media ponderada das retribucións dos Corpos de Mestres e de PES sen antigüidade e computando só as **retribucións mínimas** que se cobran en cada territorio **desde o 1º día de traballo**. Só se reproducen na comparativa as comunidades con retribucións superiores a Galiza, comparando a situación actual co final da aplicación do acordo. Non se teñen en conta complementos (cargos, coordinacións, sexenios).

Neste cálculo a xaneiro de 2021 non se teñen en conta as posíbeis subas salariais que se pacten a a partir de agora no resto de CC.AA.

OS NOSOS LOCAIS

SANTIAGO (Local Nacional)
Rúa Miguel Ferro Caaveiro 10
15706 Santiago de Compostela
☎ 981 57 68 00 / Fax 981 575 839
santiago@cig-ensino.gal

A CORUÑA
Rúa Alfonso Molina s/n
15007 A Coruña
☎ 981 169 810 / Fax 981 291 735
acorunha@cig-ensino.gal

BAIXO MIÑO
Praza da Guía 3, Baixo
36780 A Guarda
☎ 986 610 465 / Fax 986 610 465
baixomiño@cig-ensino.gal

MORRAZO
Rúa Atranco 19a, Entrechán 1
36947 Cangas
☎ 986 302 987 / Fax 986 302 987
morrazo@cig-ensino.gal

FERROL
Rúa Eduardo Pondal 41-43
15403 Ferrol
☎ 981 358 750 / Fax 981 358 760
ferrol@cig-ensino.gal

LUGO
Ronda da Muralla 58, Baixo
27003 Lugo
☎ 982 245 023 / Fax 982 2453 891
lugo@cig-ensino.gal

OURENSE
Parque de San Lázaro 12, 4º
32003 Ourense
☎ 988 238 350 / Fax 988 222 855
ourense@cig-ensino.gal

PONTEVEDRA
Rúa Pasantería 1, 2º Esquerda
36002 Pontevedra
☎ 986 861 513 / Fax 986 855 050
pontevedra@cig-ensino.gal

A MARIÑA
Avenida de Galicia 20, 1º
27700 Ribadeo
☎ 982 129 593 / Fax 982 129 593
amarinha@cig-ensino.gal

VAL DE MONTERREI
Rúa Pedro González 5, 1º
32600 Verín
☎ 988 412 345 / Fax 986 411 013
verin@cig-ensino.gal

VIGO
Rúa Gregorio Espino 47, Baixo
36205 Vigo
☎ 986 827 935 / Fax 986 262 844
vigo@cig-ensino.gal

SALNÉS
Rúa Alexandre Bóveda 2, 2º
36600 Vilagarcía
☎ 986 505 323 / Fax 986 505 323
salnes@cig-ensino.gal